


Promer director di IDEFRE y pionero den Deporte Sr. Roy van Putten a bai laga nos




Un noticia tristo pero conforme cu naturaleza den bida, a drenta diaranzon anochi ora cu trahadornan di IDEFRE y comunidad deportivo na Aruba a haya tende cu Sr. Roy van Putten a fayece, un di e dirigentenan di deporte mas importante cu historia di deporte Arubano a conose.

Roy van Putten cu su Master Degree den Educacion Fisico y gradua na Springfield College Massachusetts Merca, a cuminsa traha banda di Frans van Gestel rond di 1978/79 como counterpart den e lantamento di un departamento di deporte y recreacion pa gobierno insular di Aruba ya cu for di e tempo ey caba e desaroyonan riba tereno di deporte nacional tabata rekeri algo asina. E departamento den cual nan tabata funciona tabata yama Sportbureau. Despues cu Sr. van Gestel su contrato a termina, Roy van Putten a sigui cu e preparacionnan y asina e institucion IDEFRE a lanta oficialmente na 1981. Na mando di IDEFRE y cu un team di trahador chiquito pero bon motiva, deporte pa un y tur a cuminsa drej na Aruba. Programanan manera instruccion deporte den bario, competencionnan di deporte escolar, deporte intergubernamental, programa vacacional cu centro di bario y tambe e

maneho di hotel deportivo tabata locual IDEFRE a cuminsa cune sin lubida e adkision di material di deporte cu tabata ser reparti entre scolnan basico y avansa pa nan por cumpli cu nan lesnan di deporte. Riba tereno internacional Roy van Putten a percura pa Aruba mediante IDEFRE bira miembro di organisacionnan entre otro Instituto Panamericano di Educacion Fisica (IPEF), y International Council for Physical Education and Recreation (IHCPER). Na 1984 IDEFRE a organisa e Conferencia di CACEFI cual ta e organizacion internacional di educacion fisico pa handicap y esaki tabata danki na esfuertonan di e director di IDEFRE. Mas di 200 delegado di nos region a asisti.

Na aña 1985 Sr. Roy van Putten a baha cu pensioen pa bai dedica su mes na otro tipo di trabounan cu den su mayoria tabata tin di haber cu deporte. Bou guia di Roy van Putten IDEFRE a yuda lanta of reactiva varios deporte. E deporte di korfbal cu un tempo tabata popular y despues a cai, a haya un empuje cu un torneo di estimulacion cu a duna como resultado cu e diferente teamnan a disidi di reactiva e federacion y cuminsa drej campeonato den comienso den final di añaan 70



cuminsando 80. E deporte di ciclismo tambe a ser reactiva mediante esfuertonan di IDEFRE. Asina por menciona tambe e actividad di caminata, y handicap sport. IDEFRE tabata pionero cu organisacion di e promer triathlon na Aruba na aña 1984 cu despues a bira un federacion. Kisas un di e logronan mas grandi di Roy van Putten tabata na 1984 ora cu a yama un reunion cu tur federacion afilia na ASU pa duna informacion y stimula e grupo aki pa cuminsa prepara nan mes pa lanta locual ta awe Comite Olimpico Arubano.

Ainda na e IDEFRE di awe tin algun trahador cu a traha den tempo di Roy van Putten y cu tin masha hopi aprecio no solamente pa su forma di traha y comunica pero tambe pa e oportunidadnan cu tabata ser duna na nan. Pero mester bisa si cu Roy van Putten como director tabata exihente den trabou, produccion, puntualidad y disciplina tabata un "must" pero tambe e tabata un mentor pa nos tur y hopi a ser siña for di e gran dirigente aki cu awe no tey mas cu nos. Roy tambe tabata masha humoristico y humanitario cual tabata cualidades resaltante den su persona.

IDEFRE a haya yamadanan y bishita di diferente ex-trahador cu a comunica nan palabranan di condolencia y aprecio pa e tempo cu nan a traha cu Roy van Putten. Na IDEFRE no solamente Roy ta wordo recorda como ex-director pero tambe como tata di colega Jacqueline Ponson van Putten cu ta e herencia cu e dirigente, lider, educador, y consehero aki ta laga atras banda di tur su logronan na IDEFRE. Staf y personal di IDEFRE ta expresa palabranan di sincero y profundo condolencia na famianan di e fayecido Roy van Putten cu semper lo keda graba den nos memoria.

Jessy Beukenboom
Director

Dedicated to my father Roy van Putten This Is for Yiu, Dad



An amazing, remarkable man
Whose example guides me,
Whose wisdom always points
me
In the right direction,
And whose love I carry with
me
Through every turn in the
road.
The things you have given me
through the years of my life

have been some of the most
priceless gifts any person
could have ever received.
And I thank you with all my
heart
For giving them to me
I love you, I'll miss you dad

Your daughter Jacqueline
van Putten

Relaciona cu entierro di Sr. Roy van Putten IDEFRE ta cera diamars henter dia

ORANJESTAD(AAN)—
Instituto pa Deporte,
Educacion Fisico y Recrea-
cion ta informa pueblo di
Aruba cu su oficina situa den
Certified Mega Mall, L.G.
Smith Blvd. 150 y San
Nicolas Sport Centrum situa
na dr. Schaepmanstraat 52, ta
sera diamars dia 23 di februari
2010 henter dia relaciona cu
entierro di sr. Roy van Putten.
Sr. Roy van Putten ta

ex-director di IDEFRE y te cu
dia di su fayecimento, tabata
bishita oficina di IDEFRE na
diferente ocasion pa reunion
di diferente comision
deportivo. Atardi prome cu su
fayecimento ainda sr. Roy
van Putten a reuni na oficina
di IDEFRE.
Diaranzon dia 24 di februari
2010 IDEFRE y San Nicolas
Sport Centrum ta habri bek pa
publico y ta sigui brinda
servicio na pueblo di Aruba.